

Cussegliera federala Eveline Widmer-Schlumpf

Scheffa dal DFGP

Eveline Widmer-Schlumpf è naschida ils 16 da mars 1956 a Favugn, nua ch'ella è creschida si ensemen cun duas soras.

Suenter il studi da giurisprudenza a Turitg returna ella il 1981 en ses chantun d'origin, nua ch'ella fa la patenta d'avvocata e notara. Il 1990 obtegna ella il doctorat a l'universitad da Turitg. Durant il medem temp marida Eveline Widmer-Schlumpf e survegn trais uffants.

Dal 1987 fin il 1998 lavura ella sco advocata e notara independenta. L'onn 1985 vegn ella elegida en la Dretgira circuitala da Trin e presidescha quella dal 1991 fin il 1997. Sco deputada al Cussegl grond collavura ella ils onns 1994 fin 1998 en numerusas cumissiuns. Ils 15 da mars 1998 vegn ella elegida en la Regenza grischuna. A partir dal 1. da schaner 1999 fin ils 31 da december 2007 è ella scheffa dal Departament da finanzas e vischnancas. Durant quest temp presidescha ella duas giadas la Regenza (2001 e 2005).

Ils 12 da december 2007 elegia l'Assamblea federala Eveline Widmer-Schlumpf en il Cussegl federal. Ella entra en uffizi il 1. da schaner 2008.

En il decurs da sia carriera politica fa ella part da diversas cumissiuns administrativas. Davent dal settember 2001 presidescha ella la Conferenza dals directurs chantunals da finanzas. Ultra da quai è ella commembra dal comité directiv da la Conferenza da las regenzas chantunals. Dapi il matg 2004 è ella commembra dal cussegl da banca da la Banca nazionala svizra.

Cussegliera federala Widmer-Schlumpf è commembra da la PBD Svizra; tranter il 1989 ed il 1998 è ella stada vicepresidenta da quella partida.



Cussegliera federala Eveline Widmer-Schlumpf

Curriculum vitae en furma tabellarica

Enavos a la pagina «Cussegliera federala Eveline Widmer-Schlumpf»

Relaziuns famigliaras

- naschida ils 16 da mars 1956
- creschida si a Favugn ensemen cun duas soras
- maridada, trais uffants

Scolas

- scola primara a Favugn
- gimnasi tip B a la Scola chantunala a Cuira
- 1976: matura

Furmaziun

- studi da giurisprudenza a l'universidad da Turitg
- 1981: licenziat
- 1983: patentata grischuna d'advocata
- 1986: patentata grischuna da notara
- 1990: doctorat a l'universidad da Turitg

Professiun / activitads

- 1981 – 1983: praticum / collavuraziun en in'advocatura a Cuira
- 1981 – 1987: actuara ad hoc a la Dretgira chantunala
- 1987 – 1998: activitad independenta sco advocata e notara
- 1985: elecziun en la Dretgira circuitala da Trin
- 1991 – 1997: presidenta da la Dretgira circuitala da Trin

Politica

- 1989 – 1998: vicepresidente da la PPS dal Grischun
- 1994 – 1998: deputada al Cussegl grond, collavuraziun en numerusas cumissiuns
- 1998: elecziun en la Regenza grischuna
- dapi il 1. da schaner 1999: scheffa dal Departament da finanzas e militar (a partir dal 2007 Departament da finanzas e vischnancas)
- dapi il 1999: presidenta da la cumissiun administrativa da la Cassa da pensiun dal chantun Grischun (ex officio)
- 1999 – 2006: presidenta da la cumissiun administrativa da l'Institut d'assicuranza sociala dal chantun Grischun (ex officio)
- november 1999 fin october 2001: presidenta da la Conferenza dals directurs chantunals da finanzas da la Svizra orientala
- 2000 – 2007: commembra da suprastanza da la Conferenza dals directurs chantunals da finanzas (dapi il settember 2001 presidenta)
- 2001 – 2007: commembra dal comité directiv da la Conferenza da las regenzas chantunals
- matg 2004 – 2007: commembra dal cussegl da banca da la Banca naziunala svizra (a partir dal matg 2007 vicepresidente dal Cussegl da banca)
- 2001 e 2005: presidenta da la Regenza grischuna
- 12 da december 2007: elecziun en il Cussegl federal
- dapi il 1. da schaner 2008: scheffa dal Departament federal da giustia e polizia
- dapi il 1. da november 2008 commembra da la PBD Svizra